

玄覽堂叢書

第十一冊

文選堂叢書


卷之二十一

請封等項俱與原議不合應該停畱在彼俟勘明
承襲日查照上年謝

恩脩

貢事理另議放進入關已經會本具

題及案仰廣西都布按三司各行掌印并左江道
守巡叅將官行委南寧太平二府衛掌印官并
督備指揮卞爵訪查安南都統使莫福海是否
於前項月日病故莫宏灑是否莫福海嫡子要
見係是福海妻某氏於何年月日所生即今見
有若干歲應否承襲都統職事如果應該宏灑



承襲別無違礙就便取具該司所屬宣撫官目
人等供結并宏灑親供宗圖同委官不扶重井
結狀具由通呈以憑會議具奏定奪續據督備
龍憑地方指揮卞爵稟爲被夷賊燒毀安南大
關事文經通行左江海北二道守巡官督屬訪
查勘報續據分巡左江道僉事俞則全稟據太
平府掌印知府周允南寧府推官黃晃南寧衛
指揮戚章督備龍憑地方指揮卞爵稟稱會同
前到龍憑二州坐待命勘莫宏灑應否承襲已
經四次移文促取所屬官目耆士人等齊赴鎮

州收審及稱有夷船四十餘隻突至龍門江口
官涌等處打劫有備倭百戶許鎮督軍對敵弓
矢用盡賊衆猖獗擄去百戶許鎮殺傷落水身
死隨據鄉夫甘奎殺獲賊級一顆解州并據廉
州府衛各申稱有夷船五十餘隻分散各港烏
雷白皮壕利木涌等處行劫當督備倭官軍兵
壯追捕鄉夫蔣三殺獲賊級一顆被賊殺死打
手李填等二名等因各前來又經會行督催分
巡海北道僉事陳崇慶親詣欽州駐劄嚴督各
該官兵人等加謹防捕并查究各該失事人負

叅報及行按察司會同布政司選委將官前去
欽州駐劄提調布政司文軍餉銀一萬兩發廉
州府貯候召募狼兵工食支用續據廣東按察
司呈詳再問過犯人孫正等招罪并叅各官違
犯緣由又該臣會批依擬孫正固監會審奏
請詳決馬銳准辯贖完還職餘照發落取實收附
照千戶趙繼文遵照欽奉

勅諭內事理提問招詳指揮湛翺姑行該道戒飭又
據廉州府衛各申稱碣石衛哨軍杜康榮等擔
酒米往河洲糶賣行至羅浮地面被夷賊八十

子儀武秩等同心保護并差人齎遞文書告哀
申請緣被逆目阮敬以先都統使莫登庸義養
子得專兵柄陰蓄異圖先以其女嫁莫宏灑親
叔莫敬典因得媚事莫敬典母武氏其阮敬見
莫宏灑幼弱圖欲婚莫敬典管司事本年九月
二十七日阮敬託故回山西路慈蕪鄉西僖社
擁兵聚衆本月三十日夜時潛使人誘莫敬典
回阮敬家十月初九日阮敬與莫敬典并阮敬
子阮有命阮有奉及親弟阮凱康徒黨屈槃阮
曙等稱兵逼犯本司都城其鄧文值阮如桂等

不得已共扶莫宏灑暫出避于海陽路御天縣
本月二十九日阮敬與莫敬典并其子命奉及
徒黨蔡康等以兵追脅莫宏灑還本司都城因
此挾制幼孤擯弃舊人多樹黨與圖危莫氏又
縱兵燒掠海陽路各府縣人民騷動由是先都
統使莫登庸第二子莫正中與族人莫福山莫
大度莫履遜莫履祥莫睿莫仁智莫仁浹莫文
明莫宣并宣撫鄧文值阮如桂范金梧阮邦寧
丁伯潭裴敬信等徵集海陽山南交北安邦又
安順化各路兵共討阮敬之罪保護莫宏灑以

安莫氏已差人馳赴鎮南關申訴被阮敬先已
使其黨黃金圭遏截諒山衝要去處燒毀關隘
道路梗阻不通莫正中猶分差鄧文值阮如桂
阮邦寧范金梧丁伯潭裴敬信范子儀阮旭阮
現等統領兵馬分道搜捕阮敬與其黨阮凱康
黃金圭等待敬黨就誅轄內輯睦關隘路通即
差人齎遞文書詣鎮南關交付憑祥州守關頭
目轉達外合牒貴州知會轉報施行又據欽州
時羅都尙長謁天縫黃濂呈稱莫福海故衆目
推扶莫宏翼官司其莫繼中係莫登庸之子莫

方瀛之弟莫福海稱之叔父莫宏灑稱之祖叔
父至二十五年十月初七日同鄧文值阮如桂
統兵欲殺阮敬阮敬聚兵復進交城莫繼中鄧
文值阮如桂等亦走出海陽府御天縣駐劄其
莫繼中於二十六年正月初一日亦立爲都統
今改名莫正中曰逐相殺不寧其阮敬兵多熟
旱路莫正中兵多熟水船以此未見勝敗等情
到府備申前來又據欽州申爲地方事內開嘉
靖二十六年六月二十日據嵩長禡天縫黃濂
稟稱莫文明等欲來投生本州差據巡檢楊慶

等遞到安南夷目莫文明白布旗一面上書安
南夷目投生六字并開投順男子莫文明武廷
光曾如温阮烟等大小共五十四名婦女二十
三口外詞狀一張告爲被本處大亂乞避難投
生事并據廉州府及提調欽州四崗地方廉州
衛指揮僉事孫正各呈申嘉靖二十六年七月
初九日據備倭百戶吳鑑差小旗章廷用廖洹
等并蛋老符來任各報稱安南夷目莫正中莫
福山莫邦禎莫元替莫元烟等駕船二隻見來
地名大頭海上等處駐劄離城約有五十餘里

連遞到安南都統使子投生白絹旗一面狀一
張開男婦五十八名口等因俱該都御史張

行據分巡海北道僉事陳崇慶呈稱親詣欽州
差千戶趙繼文等將各夷譯審據莫文明莫正
中等供稱二十六年六月初八日被阮敬加兵
古齋社追逐莫正中勢弱莫文人各走散仍到
永安州駐劄本月十八日莫正中差族人莫文
明先赴

天朝投生本月二十六日再見阮敬差兵到永安州
追逐莫正中莫福山等其勢已逼不敢擅專等

情隨於欽州商稅銀內支與各夷口糧并量處
牛酒犒賞及行蕪州府於城外空閑去處搭蓋
房屋支給糧米撫養其投生男婦卽行千戶相
鐸嚴緝帶領狼兵護送該府安插防守及差官
伴送夷目莫文明莫正中等前赴呈乞詳審等
因又經諫仰蒼梧道分巡官督同梧州府知府
翁世經太平府知府周允坐營都指揮孫瓊譯
審續據分巡左江帶管分巡蒼梧道僉事俞則
全呈據知府翁世經等呈稱譯審得莫文明等
供稱先都統使莫登庸生嫡子莫方瀛庶子莫

正中等方瀛娶正妻武氏壽生嫡子莫福海次
子莫敬與等莫方瀛未襲先故後莫登庸亦故
莫福海承襲前職莫福海娶正妻潘氏於嘉靖
二十一年生嫡子莫宏灑二十五年五月初八
日莫福海出痘瘡病故例應莫宏灑聽襲彼時
申報軍門訖所有

天朝原賜

勅書付與莫宏灑時方五歲幼係伊祖母武氏壽
代收有本路姦目阮敬係山西石室縣人莫登
庸存日養爲義子聽信用事一向執掌兵權莫

敬典因娶阮敬女爲妻阮敬向與武氏疇丞通
莫福海故後阮敬見莫宏漢幼弱莫敬典係伊
女婿遂與各目黎國禎武公彥阮唯深相結納
又與阮如桂鄧文值杜世鄉范金梧阮邦寧丁
伯潭范子儀裴敬信武秩阮現阮旭等睚眦不
睦本年十月初八日阮敬託故回伊原籍山西
石室縣慈廡鄉去交城止隔一二里至十二日
夜阮敬遣子弟請莫敬典亦赴伊營隨統率目
兵逼犯交城追逐莫宏漢時阮如桂鄧文值范
金梧阮邦寧丁伯潭范子儀裴敬信武秩阮現

阮旭等勢不能支乃同族人莫正中與文明等
共扶莫宏灑并母潘氏走出海陽地方華陽處
所居住時武氏回宜陽縣都齋社殯葬莫福海
未回鄧文值等隨往都齋請武氏同伊姪武公
彥就華陽與莫宏灑同住武氏私意將宏灑同
回阮敬管晉武公彥在莫宏灑營防守本月二
十八日莫文明范金梧武秩見勢不得已乃同
莫宏灑還入交城時阮如桂等差遣防守各處
未回阮敬益漸專擅事務文明等只得避回都
齋地方居住其阮如桂鄧文值范金梧阮邦寧

丁伯潭范子儀裴敬信武秩等意各有所不平
乃辭宏澤俱歸田里嘉靖二十六年正月內阮
敬起集山西子弟并脅從交北山南一半地方
部下目兵不知的數侵海陽地方燒燬民家累
至逼犯都齋阮如桂鄧文值范金梧阮邦寧丁
伯潭范子儀裴敬信武秩阮現阮旭等同莫正
中率海陽所屬宜陽安老水棠炭山東潮金城
新明永穎清河青林等縣目兵共禦之本年三
月內阮敬又差兵追逐莫正中與阮如桂鄧文
值阮延祚陳必聞等到安邦地方各人走散生